


書名 陽明先生文錄五卷外集九卷別錄十卷 嘉靖十五年序刊本
 撰者 明 王守仁 撰
 卷 卷十
 內容分類 集-別集-明中葉
 索書號 大木-集部-別集類-58
 編號 D7431400

卷十



彩色首頁1

東洋文化研究所漢籍目錄 編號: D7431400
 東洋文化研究所漢籍目錄所藏漢籍善本文影像資料庫 索書號: 大木-集部-別集類-58
 漢籍善本文影像資料庫 陽明先生文錄五卷外集九卷別錄十卷 嘉靖十五年序刊本

版權所有: 東京大學 東洋文化研究所
 使用上的注意事項

陽明先生文錄卷之一

始正德已
 巳至與履

與辰中諸生 巳巳

以爲喜又遽爾別去極怏怏也絕學之餘求道者少
 兩年無可與語者歸途乃得諸友何幸何幸方
 庶幾楚最易搖奪自非豪傑鮮有卓然不變者諸
 砥礪夾持務期有成近世士夫亦有稍知求
 德未成而先揭標榜以末世俗之謗是
 無立反爲斯道之梗也友宜以是爲鑒
 務於切已處着實用功當在寺中所云靜



據酒西布政司呈查為... 時告送僉事李
素喪歸雲南任內... 縣李時所呈量
才能而知止已見... 而求去尤見交
誼之敦既經查勘... 其高致仰司即行該
府聽令本官以禮... 無碍官銀置備綵帳羊
酒從厚送餞加撥... 水手資送還鄉該... 仍將本
官致仕緣由行原... 籍官司用彰行誼... 之美以為風俗
之勸繳

陽明先生別錄卷之九

陽明先生別錄卷之十

公移三

總督兩廣

平定思田征剿八寨

欽奉 勅諭通行

嘉靖六年七月初三日

嘉靖六年七月初七日節該 欽奉勅諭先該廣西

田州地方逆賊岑猛為亂已令提督兩廣等官都御

史姚鏞等督兵進剿隨該各官奏稱岑猛父子悉已

擒斬巢穴蕩平捷音 上聞已經降 勅獎勵論功

行賞及將改設流官添設叅將等事條陳又經該部

議擬覆奏施行去後續該各官復奏惡日盧蘇倡亂

復叛王受攻陷思恩又經切責各官計處不審行令

將失事官員戴罪督兵剿捕及調江西峇兵湖廣奏保二司土兵并方勦殺務收全功并勅巡按御史石金紀功外但節據石金所奏前項地方盧蘇王受結爲死黨互相依倚積孽日深將來不可收拾又叅稱先後撫臣舉措失當姚鎮等攘夷無策輕信寡謀圖田州已不可得并思恩胥復失之要得通行查究追奪朕以事難遙度姚謨等前功難泯後有踈虞得旨切責之後能自奮勵平寇有功亦未可知難遽別議乃下兵部議奏以各官先後所論事宜意見不同且兵連兩廣調遣事干隣境地方必得重臣前去總制

督同議處方得停當今特命爾提督兩廣及江西湖廣等處地方軍務星馳前去彼處即查前項夷情田州因何復叛思恩因何失守督同姚鎮等斟酌事勢將各夷叛亂未形者可撫則撫及形已露者當勦則勦一應主客官軍從宜調遣土副將官及三司等官悉聽節制治以軍法明示威信務要計處合宜仍令御史石金隨軍紀驗功次從實開報以憑陞賞賊平之後公同計處應設土官流官何者經久利便并先今撫鎮等官有功有過分別大小輕重明白奏聞區處凡用兵進止機宜及一應合行之事勅內該載未

盡者悉聽便宜從長處置事體十分重大者具奏定
奪朕以爾勲績久著才望委隆特茲簡任爾務以體
國爲心聞命就道竭忠盡力大展謀猷俾夷患殄除
地方安靖以紓朕西南之憂仍須深慮却顧事出萬
全一勞未逸以爲廣人久遠之休毋得循例辭避以
孤衆望爾欽哉故諭欽此欽遵照得當爵猥以菲才
濫膺重寄多病之餘精力旣已減耗久廢之後事
又復闊疎大懼弗堪有負 委托及照兩廣之與江
西湖廣雖云相遼遠而壤地相連士夫軍民往來絡
繹傳聞旣多議論有素况在無嫌之地是非反得其

真且處傍觀之時區畫宜有其當合行諮詢以輔不
逮除委用職官及調遣軍馬臨時相機另行外擬合
通行爲此仰抄捧回司照依案驗備奉 勅諭內事
理即行本司掌印佐貳及各道守巡兵備守備等官
并所屬大小衙門各該官吏凡有所見勿憚開陳其
間或撫或勦孰爲得宜設土設流孰爲便利與凡積
弊宿蠹之宜改於目前遠慮深謀之可行於久遠者
備寫揭帖各另呈來以憑採擇各該官吏俱要守法
奉公長庶遠耻祛患衛民竭忠報 國毋以各省而
分彼此務在協力以濟艱難果有忠勇清勤績行顯

著者旌勸自有常典當爵不敢蔽賢其或奸貪畏縮志行卑汚者黜罰亦有明條當爵亦不敢同惡深惟味劣度賴匡襄凡我有司各宜知悉仍行鎮守撫按等衙門知會一體欽遵施行

湖兵進止事宜

十月

據廣西桂林道右叅政龍誥僉事申惠會稟原調未保二司宣慰官舍土兵共六千餘員名八月自辰州府起行九月盡可到省城各職即日起程前去全州興安等處接應督押為照大兵進止自有機宜今未奉節鉞撫臨莫知適從查得舊規兵至即發哨徑趨

賓州聽遣如至賓州而未用恐接境思田二府不無致生疑變合無將各兵前赴梧州府屯劄聽候軍門撫臨調度等因照得本年八月二十四日先准兵部咨該本爵看得先任總督巡撫都御史姚 已蒙 欽准致仕而本爵又以扶病就醫聽候辭本 命下未即起程况湖兵未至秋暑尚深遙計賊情正在懈弛機有可乘事宜從便已經行仰各該失事帶罪立功守巡叅將及各領兵督哨等官務要相度機宜若各叛目誠心投撫中間尚有可憫之情 朝廷豈以必殺為事且宜從權撫插聽候本爵督臨查處若是

陽投陰叛請詐反覆度其事勢終難曲全則宜密切
相機乘間行事務在獲厥渠魁不得濫加無罪各官
務要協和行事既無參錯牴牾有乖共濟之義亦無
貪功輕率仰戾好生之仁又經行仰各遵照施行去
後今據前因看得湖兵既至勢難中止非徒無事漫
行有失遠人之信亦且師老財費重為地方之憂但
聞諸道路傳諸商旅皆謂各目投撫之誠今已甚切
致亂之情尚有可原且 朝廷以好生為德下民無
必死之讐是以本爵尚爾遲疑欲候督臨乃決進止
顧傳聞未真兵難遙度各官身親其事必皆的知况

原任總督雖已致政尚在統領老成慎重當無遺策
若果事在不疑即宜乘機速舉一勞永逸以靖地方
如其尚有可生之道亦且毋為必殺之謀匪曰姑息
將圖久安及照各處流賊素為民患非止一巢若用
聲東擊西之術則湖兵之來未為徒行各官俱密切
慎圖務出萬全本爵亦已扶病晝夜速進軍中事宜
從便施行一面呈稟撫鎮巡按等衙門一體通行
會俱毋違錯

牌諭安遠縣舊從征義官葉芳等

十一

往年本爵提督南贛汀漳等處軍務因地方盜賊未

平身親軍旅四出勦除爾葉芳等乃能率領兵夫來
隨帳下奮勇殺賊效勞為多後遭空藩之變爾葉芳
又能堅辭賊賄一聞本爵起調牌到當即統領曾德
禮等及部下兵衆晝夜前來遠赴國難一念忠義
誠有可嘉備歷辛苦立有戰功賞未酬勞予心慊慊
嘗欲表奏爾一官以勵忠勤隨因本爵守制還家未
及舉行今茲奉命總制四省軍務復臨是境看得
舊時從征軍士多被忌功之徒百般屈抑心殊為之
不平念爾葉芳舊勞未酬今就先行獎勵故特差典
史張縉將帶花紅羊酒親至爾家用旌爾功爾其益

謹禮法以緝下人益殫忠勤以報上德省諭部下
之人務要各安生理各守家業人惟不為善未有為
善而不獲善報者人惟不為惡未有為惡而不受惡
殃者聞爾所居之地傍近各寨新民雖云向化其間
尚多與爾為讐爾宜高爾垣嚴爾壘備以戒不虞
爾等嘗與杜栢孫洪燾等不和各消釋講信修睦安
集地方吾所以恹恹詢爾等者實念爾等辛勤從
我日久吾視爾等不啻如父子雖欲已於言情有所
不容已也吾今以軍機事務即赴兩廣不得久留贛
城爾等但體吾教戒之意各安家室不必遠來候見

徒勞無益其曾德禮等俱各諭以此意

批南康縣生員張雲霖復學詞

看得張雲霖原係本院徵召起兵從征人數立有功次已經核實造報告本院所親知後因忌功之徒搜求羅織遂令此生屈抑至此言之誠為痛憤仰分巡嶺北道即與查審教官費廷芳招案有無干涉功賞銀兩曾否收給仍行捷學道收送復學則有功之士不致於抱冤憤而本生仗義勤王之節庶亦不負其初心矣

批贛縣生員雷瑞詞同

放回各處官軍牌

十二月二十五日

照得先因田州等處變亂前任軍門抽撥兩省官軍及差官取調左右兩江土官目兵前赴南寧等處駐劄聽候征剿今照各夷皆來告要誠心向順已漸有平復之機且各處城池邊隘缺人防守往往來告盜賊乘間竊發亦不可不為之慮况今春氣萌動東作方興各兵屯頓日久露眠草宿勞苦萬端應合放回為此牌仰本官即將軍門原調各處官軍機兵打手及各土官自兵盡數撤散放回休息及時農種防守城池惟湖廣未保二司土兵姑留聽候俟沿途夫馬糧草完備然後發回各具由回報毋得違錯

犒諭都康等州官勇彭一等
十二月二十八日

看得廣西某州官族某官男某等統領土兵前來

願地方屯哨日久勞苦良多即今歲暮天寒各兵遠

離鄉土豈無室家之念故今特加犒勞通放歸復業

安生本族官目務要嚴整行伍經過地方毋得侵擾

人家一草一木有犯令者即時照依軍法斬首到家

之後仰本州縣官仍要愛惜下人輯和隣境毋得恃強

凌弱倚衆暴寡越理踰分自取罪累遵守朝廷法

制保爾土地人民牌仰本州縣官執照遵守到家之日

俱依准回報

劄付未順宣慰司官舍彭宗舜冠帶聽調

據湖廣未順等處軍民宣慰使司領征冠帶舍把彭

明倫田大有等呈稱統兵土舍彭宗舜係致仕宣慰

彭明輔嫡生次男伊兄彭宗漢身故本舍應該襲替

嘉靖五年宗漢奉征田州蒙軍門劄付冠帶殺賊惟

本舍見統目兵聽用又自備家丁三千報効切恐未

授官職軍威無所瞻肅呈乞比照故兄彭宗漢事體

授職使益等因到爵為照軍旅之政非威嚴則不肅

等級之辨非冠帶無以章今官舍彭宗舜於常調之

外自備家丁隨父報效不避艱險勤勞王事固

朝廷之所嘉與况又勸係應襲次男今以上舍領兵於體統未肅合就遵照 勅諭便宜專理給與冠帶以便行事除事寧另行具奏外為此劄仰官舍彭宗舜先行冠帶望 闕謝恩仍須秉節持身正己律下申嚴約束而使兵行所在無犯秋毫作興勇敢而使兵威所加有如破竹務竭忠貞以圖報稱功成之日且奏旌賞 國典具存先具冠帶日期依准繳報仍行本省鎮巡衙門知會毋得違錯

批廣西布按二司請建講堂呈

據參政汪必東僉事吳天挺呈請建講堂號舍以便

生員肄業事者得感發奮勵見諸生之有志作興誘掖實有司之盛心不有藏修之地難成講習之功况境接諸蠻之界最宜用夏變夷而時當梗化之餘尤須敷文來遠雖亦俎豆之事實關軍旅之機准如所議動支軍餉銀兩即行起蓋務為經久之計毋飾目前之觀完日開數繳報

批立社學師耆老名呈

嘉靖七年正月

據思明府申稱要令土人譚勳蘇彪加以社學師名號鄉老黃未堅加以耆老名號看得教民成俗莫先於學然須誠愛惻怛實有視民如子之心乃能涵育

董陶委曲開道使之感發興起不然則是未信而勞其民反以爲厲已矣據本官所申是亦良法但須行以實心節用愛民施爲有漸不致徒飾一時之名務垂百年之澤始可該道守巡官仍加勞來匡直闕其不逮備行該府查照施行

議處江古諸處徭賊

節據各道哨守官兵呈報照得廣西府江古田洛容諸處徭賊日來勢益猖熾皆由近年以來大征之舉旣爲虛文而鵬勦又復絕響是以爲彼所窺肆無忌憚今思田事體漸就平息湖兵西歸有日正可相機

行事爲此牌行左布政嚴紘密切會同叅政龍誥按察使錢宏副使李如圭翁素將各稔惡賊巢務訪的確密拘知因鄉道備詢我兵所由道路險夷遠近及各賊巢所在議謀旣定即可迎約湖兵決機行事要在聲東擊西後發先至但誅其罪大惡極者一處兩處其餘且可悉行寬撫容令改惡從善務在去暴除殘懲一戒百不必廣捕多殺致令玉石無分驚疑遠邇後難行事若其事勢連綿廣遠關係重大亦且不宜輕動本院尚駐南寧彼中事機勢難遠度諒各官平日素有深謀沉勇秉義奮功一切機宜自能周悉

近報剗平之獲已見用心之勤尚須後効一併奏請
凡有申稟密切封來

批嶺西道立營防守呈

二月

據僉事李香呈稱雇募打手立營防守緣由看得所
議既得其要畧但屯兵固不可分而合兵又不宜頓
必湏該道及統兵官時時屯聚之兵督率於賊盜出
沒要害往來巡視操演因而或修復營堡或開通道
路或戒飭反側徭寨或撫安凋弊民村巡行慣熟遠
近不疑擇其長惡不悛者間行鵬剿懲一戒百如農
夫之植禾必逐漸而耕耨如園丁之去草必以次而

芟除庶屯聚之兵無坐食之患而有日新之功矣仰
備行各官查照施行

稿送湖兵

照得先該軍門奏調湖廣東順保靖二宣慰司土官
目兵前來征勦田州等處今照各夷自縛歸降地方
平靖為照宣慰彭明輔彭九霄雖未及衝冒矢石摧
堅破敵然跋涉道途間關山海不但勞苦之備嘗且
其勤事之忠赴義之勇不戰而勝全師以歸隱然之
功亦不可掩所據宴勞之禮相應照舊舉行其沿途
該用廩給口糧等項亦合計算總支庶免阻滯及省

備州下邑之擾爲此牌仰本官行會左叅政龍誥僉事吳天挺參議汪必東督行南寧府於賞功綵段金銀花枝銀兩內照依開數支出齎送各宜慰并給賞各舍目收領以慰其勞仍將未保二司官舍頭目人等合用廩給口糧等項查取見在確數各有若干亦行南寧府查自本府起至梧州府止計算幾縣每驛扣算該銀若干就於軍餉銀內支給又自梧州起至桂林府止查算縣驛若干亦就行該府支銀應付又自桂林府起照前計算至全州止銀兩亦行該府查給其各州縣止是應付人夫再不許別項科派於民仍通行南寧潯州梧州平樂桂林全州各查照單內預行整辦犒勞下程聽候各官舍目到彼分送犒勞給賞施行

批嶺西道撫處盜賊呈

看得各處盜賊全在撫處得宜綏柔有道使之畏威懷德歲改月化自然不敢爲惡乃爲善策雖鷓鴣勦之舉亦不得已而後一行至於待其猖獗肆惡然後懸金以購首級之獲掩襲以求斬捕之多抑亦未矣今後該道官務思撫處綏柔之長策如駕舟之舵御馬之轡操持有要而運動由已若舍舵與轡而廣求駕

御之術雖極工巧習熟終亦不免傾跌之虞一應賞
罰量功大小以爲多寡軍門原有舊規軍職累功陞
級亦有見行事例臨陣退縮仰遵 勅諭事理當時
以軍法從事俟仰查照施行繳

禁革輕委職官

據廣東布政司呈參廣州左等四衛掌印指揮王冕
海信杜隆馮凝千戶陸宗等百戶劉愷等不修職業
委棄城池遠出經旬肆無忌憚應合參問參看擅離
職役律有明條今各處軍衛有司官往往輒因私事
棄職遠出或因上司經由過爲趨諂越境送迎往回

動經旬月上下相安恬不爲異仰布政司通行禁革
究治今後不係緊急軍機重務其餘問候申請等項
雖亦公事勢有輕緩者止役吏胥差使不許輕委職
官非但廩給夫馬騷擾道途勞費不少抑且城池庫
獄一有虧失貽累匪輕各該衙門首領官今後俱要
置立文簿凡遇掌印佐貳及帶俸等官公事出入俱
要開記月日因某事到某處送迎或承何衙門到某
處差委某年月日回任歲終繳報本院以憑查究大
抵天下之不治皆由有司之失職而有司之失職獨
非小官下吏偷惰苟安僥倖度日亦由上司之人不

遵 國憲不恤民事不以地方為念不以職業經心
既無身率之教天無警戒之行是以蕩弛日甚亦宜
分受其責可矣仰布政司備行各該守巡各兵備守
備及府州縣衛所等大小衙門仰各查照施行該衛
掌印等官姑記未究其陸宗劉懌遵照本院欽奉
勅諭事先行提究以警其將來此繳

分派思田土目辦納兵糧

四月

照得思恩田州二府各設流官知府治以上俗其二
府原舊甲分城頭除割田州八甲分立土官知府以
存峇氏之後其餘悉照舊規不必開圖立里但與酌

量分析各立土目之素為眾所信服者以為土官巡
檢屬之流官知府聽其各以上俗自治照舊辦納兵
糧効有勤勞迺加陞授其襲授調發必皆經由於知
府其官職土地皆得各傳其子孫除具 題外為照
各甲城頭既已分析若不先令各目暫行分管誠恐
事無統紀別生弊端為此牌仰田州府土目龍奇等
遵照後開甲分每歲應該納辦官糧查照開數依期
完納出辦一應供役征調等項事情悉聽知府調度
約束本目仍要守法奉公正已律下愛養小民保安
境土毋得放縱恣肆踰分寸紀自取罪累後悔無及

候奏請 命下仰各欽遵施行

計開 凌時甲 每年納夏稅秋糧米八十八石八斗七升七合 每調出兵三百八十四名 每年表箋用銀三錢二分 須知一本赴廣西用銀一錢二分 須知二本赴京用銀八錢八分 每年納官倉等例銀一十三兩 每年納官禾四十担重一百斤 每年供皂隸禾七担

完冠砦陶甲

案行廣西提學道興舉思田學校

照得田州新服用夏變夷宜有學校但本府瘴迤竄之

餘 無受屢之民即欲建學亦為徒勞然風化之原終不可緩云 除具 題外擬合就行為此仰抄案

回道着落當該官吏備行所屬儒學遵照但有生員無拘廩增願改田州府學及各處儒生願附籍入學者各赴告本道徑自查發選委教官一員暫領學事相與講肄游息或興起孝弟或倡行鄉約隨事開引漸為之北俟休養生息一二年後該府建有學校然後將各生徒通發該學肄業照例充補增廩以次起貢俱毋違錯

揭陽縣主簿李本鄉約呈

四月

據揭陽縣主簿李本呈爲鄉約事足見愛人之誠心親民之實學不卑小官克勤細務使爲有司者皆能以是實心修舉下民焉有不被其澤風俗焉有不歸於厚者乎但本官見留學門聽用該縣若無委官相繼督理未免一暴十寒况本院近行十家牌諭雖經各府縣編報然訪詢其實類是虛文搪塞且編寫人亦惟在查考善惡乃聞加以義勇之名未免生事擾衆已失本院息盜安民之意訪得潮州府通判張繼芳持身端謹行事詳審仰該府掌印官將發去牌式事二曉諭所屬就委張繼芳遍歷屬縣督令各該官勤加操演務要不失本院立法初意仍先將牌諭所開事理再四紬繹必須明白透徹真如出自自己心庶幾運用皆有脉絡而施爲得其調理該縣鄉約仰委縣丞曹森管理毋令廢墮

賑給思田二府

四月

照得近因思田二府攘亂該前總鎮等官奏調三省漢土官軍兵快人等前來南寧府屯住防守軍民大小男不得耕女不得織而湖兵安歇之家盤擾尤甚今雖地方平靖湖兵已回然瘡痍未起困苦未蘇况自三月已來天道亢旱種未入土民多缺食誠可憫

念已經行仰同知史立誠遍查停歇湖兵之家開報
相應量行賑給爲此牌仰南寧府着落當該官吏專
委同知史立誠即將十名以上七十一家各給米二
石鹽魚三十觔五名以上三百五十六家各給米一
石三斗鹹魚十三觔五名以下四百五十四家各給
米一石鹹魚十觔就於該府軍餉米魚內支給開報
其餘大小軍民之家諭以本院心雖無窮而錢糧有
限各宜安心生理勤儉立家毋縱驕奢毋習游惰比
之豐亨豫大之日雖不足而方之兵戈擾攘之時則
有餘矣

牌行靈山縣延師設教

六月

看得理學不明人心陷溺是以士習日媮風教不振
近該本院久駐南寧該府及附近各學師生前來朝
夕聽講已覺漸有奮發之志但窮鄉僻邑本院既未
暇身至其地則諸生亦何由耳聞其說合行委官遍
行訓告看得原任監察御史今降合浦縣丞陳迥理
學素明志存及物見在軍門相應差委除行本官外
爲此牌仰靈山縣當該官吏即便具禮敦請本官於
該縣學安歇率領師生朝夕考德問業務去舊染卑
汙之習以求聖賢身心之功該縣諸生應該赴試者

臨期起送不該赴試者如常朝夕聽講或時出與經書策論題目量作課程不得玩易怠忽虛應故事須加時敏之功庶有日新之益該縣仍要日逐供給薪米之類候該縣掌印官應朝之日本官不妨訓迪諸生就行兼署該縣印信

牌行委官陳返設教靈山

看得理學不明云除行廉州府及所屬縣外牌仰本官即便前去該府及所屬縣行各掌印官召集各該縣師生遍行開導訓告務行立志敦本求為身心之學一洗舊習之陋度量道里折中處所於靈山

縣儒學住歇令各縣師生可以就近聽講其諸生該赴試者臨期起送不該赴試者如常朝夕聚會考德問業毋令一暴十寒虛應文具亦以時出經書論策題目量作課程就與講析文義以無妨其舉業之工大抵學絕道喪之餘人皆駭於創聞必須包蒙俯就涵育薰陶庶可望其改化諒本官平日素能孜孜汲引則此行必能循循善誘該縣掌印官應朝之日本官不妨訓迪諸生就行兼署該縣印信待候縣官應朝回日方許交還

牌行委官陳返設教靈山

看得理學末明人心陷溺莫以工習益偷風教不振
近該本院久住南寧與該府縣學師生朝夕開導訓
告頗覺漸有興起向上之志本院又以八寨進兵前
往■州等處調度則興起諸生未免又有一暴十寒
之患看得原任監察御史今降揭陽縣主簿李本久
抱溫故知新之學素有成己成物之心即今見在軍
門相應委以師資之任除行本官外仰南寧府掌印
官即便具禮率領府縣學師生敦請本官前去新創
敷文書院闡明正學講析義理各該師生務要專心
致志考德問業毋得玩易怠忽徒應虛文其應該赴
省考試者扣算程期臨時起送不該赴試者仍要如
常朝夕質疑問難或時出與經書題目量作課程務
加時敏之功以求日新之益該府縣仍要日逐量送
柴米供給

牌行委官李本設教南寧

看得理學不明人心云除行該府掌印官率屬敦
請外仰本官統於新創敷文書院內安歇每日拘集
該府縣學諸生爲之勤勤開誨務在興起聖賢之學
一洗習染之陋其諸生該赴考試者臨期起送不該
赴試者如常朝夕聚會考德問業之外或時出與經

書論策題目量作課稅與籌析文義以無妨其舉
業之功大抵學絕道喪之餘不易解脫舊聞舊見必
須句家俯就通育薰陶庶可望其漸次改化諒本官
平素最能孜孜汲汲則今日必能循循善誘諸生之
中有一不率教者時行禮焚以懲其惰本院回軍之日
將該府縣官員師生查訪勤惰以示勸懲

批嶺東道額編民壯呈

六月

據嶺東道巡守官呈議將各額編民壯存留照舊守
城并追工食雇募打干調用看得本院自行十家牌
式若使有司果能着實舉行則處處皆兵家家皆兵

人人皆兵防守之備既密則追捕之兵自可以漸減
省以節民財以寬民力但今有司類皆視為虛文未
曾實心修舉一旦遂將額設民壯三分減一則意外
不測之虞果亦有如各官所呈者合且姑從所議將
各民壯照舊存留備行該道所屬查照施行仍仰各
官務要用心舉行十家牌式不得苟且因循惟事支
吾目前徒倚繁難自獎之術以為上策反視易簡久
安之法以為迂緩噫果有愛民之誠心處官事如家
事者其忍言者之諄諄而聽之乃爾其藐藐耶凡我
各官戒之敬之此繳

裁革文移

據布政司呈今後但有牌案行屬者則於備仰語後
止令奉行官吏具遵行過緣由回報看得近來官府
文移日煩如造冊依准等項果係徒勞徒費虛文無
補本院欲革此弊久矣因軍務紛劇未及舉行據呈
前因可謂先得我心之同然者自今事關本院除例
該奏報及倉庫錢糧金帛賦罰紙價預備稻穀等項
仍於每歲終開項共造手冊一本送院查考外其餘
一應不大緊要文冊及依准等項通行裁革從務簡
實以省勞費凡我有官皆要誠心實意一洗從前靡

文粉飾之弊各竭為德為民之心共圖正大光明之
治通備行各該衙門查照施行繳

批右江道調和寨自呈

據副使翁素呈湖潤寨自兵徑越鎮安取調准議備
出印信下帖給與該府該司各水札執照以杜後爭
湖潤既已自知原屬鎮安自此必益供事大之職鎮
安既欲自來仍從湖潤自此必益植字小之仁須要
誠心協和庶可永絕禍患若徒迫脇誣訟一時終
必反覆又亂於日後此乃自取滅亡後悔何及仰各
知悉遵照施行此繳

批南寧府中程光可

據南寧府中程光可言原在廟宇以祠宋樞密使狄武襄公青經使令公清華密直學士孫公沔豈州太守忠公壽公繼繼公忠憲譚公必綠年久傾頽止存基址公息田五年宜修復以繫屬人心以聳示諸夷看得表揚先哲以激勵有位此正風教之首况舊基猶存相應修復准支在庫無礙官銀重建祠宇其牌位祭物等項照舊修舉完日具由回報此繳

批增城縣改立忠孝祠申

據增城縣申稱參得廣東參議王綱字性常洪武年間因靖潮寇父子貞忠太孝合應崇祀於城南門外天妃廟改立忠孝祠看得表揚忠孝樹之風聲以興起民俗此最為政之先務而該縣知縣朱道瀾乃能因該學師生之請振舉廢墜若此則其平日職業之修志向之正從可知矣仰行該縣悉如所議施行其神像牌位及祭物等項俱聽從宜酌處完日具由回報此繳

批參政張懷奏留朝覲官呈

據左參政張懷所呈憫念兵荒欲留府縣正官足見

留心地方但今歲應 朝事體頗重 朝廷勵精圖
治必有維新之政各該正官正宜一行以快觀感似
難通行奏留仰各照例依期起程况該道守巡既得
賢能官負各肯憂勞盡心若此各府州縣雖無正官
其各佐貳亦必警戒修省自堪驅策其間果有闕冗
不才不任委寄者該道即行別委相應官負署管仰
即通行查照施行毋再疑滯繳

經理書院事宜

八月

據僉事吳天挺呈稱將南寧城東西二壕花利通收
府庫支與書院師生應用剩銀修理仍置教官私宅
號房以為定規看得所呈事宜足見該道官留心學
校興起士習之美意俱准照議施行但事無成規難
垂久遠而管理非人終歸廢墜該道仍須置立文簿
將區處過事宜逐件開載給付該府縣學及管理書
院官各收一本存照相繼查考舉行以防日後埋沒
侵漁之弊仍於各教官內推舉學行端方堪為師範
者呈來定委專管書院諸務訓勵諸生庶幾法立事
行人存政舉而今日書院之設為不虛矣仍行提督
學校官知會一體查督舉行及備行該府縣學官吏
師生查照施行俱毋違錯此繳

牌行南寧府延師講禮

八月

照得安上治民莫善於禮冠婚喪祭諸儀固宜家諭而戶曉者今皆廢而不講欲求風俗之美其可得乎况茲邊方遠郡土夷錯雜頑梗成風有司徒事刑驅勢迫是謂以火濟火何益於治若教之以禮庶幾所謂小人學道則易使矣近據福建莆田儒學生員陳大章前來南寧遊學進見之時每言及禮因而扣以冠婚鄉射諸儀果亦頗能通曉看得近來各學諸生類多束書高閣飽食嬉遊散漫度日豈若使與此生朝夕講習於儀文節度之間亦足以收其放心固具川膺之會筋骸之束不猶愈於博奕之爲賢乎爲此牌仰南寧府官吏即便館教陳生於學舍於各學諸生之中選取有志習禮及年少質美者相與講解演習自此諸生得於觀感興起砥礪切磋修之於其家而被於里巷達於鄉村則邊徼之地自此遂化爲鄒魯之鄉亦不難夫諸生講習已有成效該府仍要從厚措置禮幣以申酬謝仍備由差人送至廣西提督學校官以次送發一府州縣一體演習其於風教要亦不爲無補

劉付同知林寬經理田寧

照得思田二府平復議將田寧府改設流官見今無
官管理看得化州知州林寬才識通敏幹辦勤勵本
爵巡撫江西知其可用近因改建府治修復城垣已
經委令經理即若陞以該府同知而使久於其職必
有可觀已經具題奉有 明旨續該本院看得南寧
自宣化縣至於田寧逆流十日之程其間錯以土夷
村寨奸弊百出本爵近因躬撫南寧思龍諸圖鄉民
擁道控告願立縣治因爲經理相度得村名那久者
寬平深厚江水縈廻居民千餘家竹樹森翳且向武
各州道路皆經由其傍亦爲四通之地堪以設立縣

治屬之田寧亦足以鎮據要害消沮盜賊又經具

題外爲照新陞知府張鉞尚未到任合就劄仰本官
即便管理府事撫綏目民其修築城垣廨宇及那久
新立縣治等項事宜公同各該委官用心督理務在
修築堅固工程早完以圖經久候知府張鉞到任仰
本官專督思龍縣治務要清查所割圖里錢糧明白
毋令奸民飛詭影射致貽紛爭本官素有才識志在
建功立業况奉 新命擢佐專城遠近士目人等側
耳注目思有維新之政本官務要竭心殫力展布才
猷以仰答 朝廷之恩俯慰下民之望中無負於軍

門之委託如其因循玩愒曠事廢功不但身名毀辱抑且罪責難逃

劉付同知桂鏊經理思恩

照得思田二府平復已經具題將柳州府同知桂鏊經理思恩府事休方息困當有所濟續該本爵看得岑濬新移府治皆斬山絕壁如處戈矛劔戟之中况瘴霧昏塞薄午始開本爵近因督勦八寨親往相度看得地名荒田寬衍膏腴可以建府治而上林縣地名三里者乃在八寨之間其地多良田茂林村落相望堪以移設鳳化縣治量築城垣雁宇招撫逃亡可

以成一方之保障仍將上林一縣通割以屬思恩似於事勢為便等因又經具題外為照署掌府印遷築府城新創縣治及蓋雁宇等項皆不可缺人督理合就劄仰本官即便星馳前赴思恩府署掌印信撫綏目民其遷築府城於荒田移設縣治於三里及創建雁宇等項一應事宜公同各該委官用心督理云云如其因循玩愒曠事廢功豈徒身名毀辱兼亦罪責難逃

牌行南昌府保昌縣禮送故官

照得保昌縣縣丞杜洞久在軍門管理軍賞清介自

持賢勞茂著郡屬之中實為超然今不幸病故使人
檢其行橐蕭然無以為歸殯之資殊可傷悼今尋常
故官小吏無洞一日之勞者猶且有水手殯殮之例
况洞從征亞寇跋涉險阻衝冒瘴毒又且平日才而
且賢所謂死勤事者矣焉可以不從厚待之是賢
不肖略無所辨也為此牌仰本府官吏即於庫貯無
碍官錢內給與木夫二名棺殮銀十兩就行照例起
關應付船隻脚力查照家屬名數給與口糧務要從
厚資送還鄉開報及仰保昌縣官吏即便僉撥長行
水手二名棺殮銀二十兩及將本官應得俸糧馬夫
銀兩照數支給交付伊男及差的當人役護送還鄉
毋致稽悞

調發土兵 十月

照得各州土兵征調頻數本非良法非但耗費竭財
抑且頓兵剝銳必須各州輪年調發一以省供饋之
費一以節各兵之勞庶幾土人稍有休息之期而官
府亦獲精銳之用已經行仰該司遵照備行南丹州
官族莫振亨即就揀選勇敢精銳目兵三千名躬親
統領照依尅定日期前赴廣西省城聽調殺賊果能
輸忠報効立有奇功即與具 奏准襲該州官職自

今八月初一日爲始至下年八月初一日止却調東
蘭州土兵依期更替自今各州目兵軍門斷不輕易
調發致令奔波勞苦亦決不姑息隱忍縱令驕惰玩
弛但有稽抗遲悞違犯節制輕則量行罰治重則拏
究革去冠帶又重則貶級削地又重則舉兵誅討斷
不虛言通行各土官兵目知悉俱仰改心易慮毋蹈
前非自貽後悔去後今據所呈爲照本院軍令旣出
難再輕改失信下人但本官呈稱鵬勦缺兵固亦一
時權宜况稱原係本州先年自願報効不在秋調之
數亦合姑從所請暫准取調爲此牌仰本官即便會
同鎮守太監傅倫行仰該州上官韋虎林照數精選
目兵前赴省城聽各官調遣勦賊待三兩月間事畢
隨即撤放回州遵照軍門批行事理依期更班聽調
不許又留失信其所呈鵬勦事宜悉聽會同三司掌
印守巡兵備等官依擬施行事完之日通將獲過功
次用過錢糧數目開報查考俱毋違錯仍行總鎮總
兵鎮巡等衙門知會

犒獎儒士吳伯高

照得思田之亂上厯九重命將出師勤調四省軍
馬錢糧洵洵兩年功未告成而變日不測本院前來

勩處是固仰賴 皇上好生之仁格於天地至誠動
物不疾而速是以宣布 威德而旬月之間諸夷即
爾革心向化翕然來歸然而奔走服役固有效勞於
下者其間乃有深謀秘計之士潛開默導以會合事
機其功隱而難見此惟主將知之功成行賞是所謂
首功者也照得儒士岑伯高素行端介立心忠直積
學待時安貧養母一毫無所苟取而人皆服其廉一
言不肯輕發而人皆服其信遊學橫州南寧之間遠
近士夫及各處土官土夷莫不聞風向慕仰其高節
本院撫臨之初即用此生使之深入諸夷仰布 朝

廷之德下宣本院之誠是以諸夷孚信之速至於如
此本生實 與有力焉當時平復奏內即欲具列本
生之功而事變方息深謀秘計未欲張布於諸夷且
本生志在科第發身不肯異迹苟進堅辭力請本院
不欲重違雅志遂爾未及奏列今思因既已大定凡
有微勞於茲役者莫不開列而本生之功泯然未表
其於報勩勵忠之典誠有未當仰抄案回司即於軍
餉銀內動支一百兩及置買彩幣羊酒禮送本生以
見本院慰賞犒勞之意仍仰遵本院欽奉 勅諭便
宜事理給與軍功冠帶以榮其身該司仍備給劄付

執照并行原籍官司以禮優待免其雜泛差徭明
朝廷賞功之典彰軍門激勵之道既以遂其養母之
願且以遂其高尚之心是後本生志求科第其冠帶
自不相妨仍行兩廣總鎮總兵鎮巡等衙門知會

征剿八寨藤峽牌 十七年三月 以下俱征八寨

據留撫田州思恩等處地方右布政使林富原任副
總兵都指揮同知張祐連名呈稱出州思恩平復居
民悉已各安生理土夷亦皆各事農耕地方實已萬
幸惟八寨徭賊云云合就仰遵 勅諭事理量撥官
兵協同盧蘇王受等土兵分路進剿除差官舍賞捧

令旗令牌分投督押土兵本院親至賓州思恩等處
相機調度面授方畧外為此牌仰右布政使林富副
總兵張祐即便統領官軍督發土目盧蘇王受等兵
夫從公堯思恩取路進剿以開寨分務要聲言各賊
累年殺害良民攻劫州縣鄉村之罪雖厥渠魁及其
黨與罪惡顯著者明正天刑以絕禍根除臨陣擒斬
外其餘脇從老弱一切皆可寬免今茲之舉惟以定
亂安民為事不以興武多功為名官務要仰體
朝廷憂憫困窮之心倍念地方之憂益賊者戮之言
督各軍兵日兵人等以直上言 沈民堯永示

民患以靖地方仍禁兵馬所過鄉村毋得侵擾民間
一草一木有犯令者仰即遵本條欵奉 勅諭等因
當即處以軍法俱毋有違節制云云各官取罪戾

題詞領兵官

牌行左參將著都指揮僉事張經會同該道守巡守
備官及湖廣督兵僉事汪濬等上言謝珮督永順宣
慰彭明輔統兵進剿牛腸諸賊云及監都保靖宣
慰彭九雲統兵進剿六寺磨刀等寨諸賊云未至
信地三日之前停軍中途候約參將張經與同守巡
各官集議先將進兵道路之險易遠近各巢賊徒之

多寡強弱及所過良民村分之經由往復回同各鄉
道人等逐一備細講究明白務要彼此習熟通曉若
出一人然後尅定日時偃旗息鼓寂若無人密至信
地乘夜速發務使迅雷不及掩耳將各稔惡賊魁盡
數擒勦以除民害以靖地方除臨陣斬獲外其餘脇
從老弱一切皆可宥免今茲之舉惟以定亂安民爲
事不以多獲首級爲功各官務要仰體 朝廷憂憫
困窮之心俯念地方火羅荼毒之苦仍要禁約軍民
人等所過良民村分毋得侵擾一草一木有犯令者
當以軍法斬首示衆本官既有地方責任兼復素懷

忠義當茲委用務竭心力大展才猷以往惠安民一
應機宜牌內該載不盡者聽公同各官計議從便施
行一面呈報事完之日通將獲過功次開報紀功御
史衙門紀錄以憑奏報仍密行總鎮巡等衙門知
會俱毋違錯

戒諭士目

五月

案照先經行委副總兵張祐督率官士目兵人等進
勦思恩八寨徭賊今據頭目盧蘇王受等稟報皆已
攻破各寨斬獲賊級雖未日久苦亦無多且又未見
獲有真正首惡中間恐有容隱脫放情弊合行戒諭

督促為此牌仰本官士目緊親行督諭各頭目及土兵
人等俱要協力齊心竭忠報効務圖勦滅以絕禍根
庶可以表明各目盡忠圖報之真心若是少有縱容
復留遺孽亦是徒勞一場不足為功適足為罪非惟
不能仰報朝廷再生之恩其於本院所以勤勤懇
懇不顧利害是非務要委曲成就爾等之意亦辜負
矣牌至即以此意勉諭各目各兵此舉非獨為除地
方之害亦為爾等建子孫久長之業盡此一番辛苦
便可一勞永逸矣發去良民旗榜可給則給可止則
止一應事機俱仰相機而行其號色等項已付思田

報効人役徑自帶回分俵亦宜知悉

追捕逋賊

據同知桂鏊稟報領兵土日盧蘇王受等各屯兵八寨斬獲賊首賊從數多巢穴悉已破蕩即今方在分兵四路搜剿及稱附近上林縣一十八村俱搬移上山躲住又訪得鐵坑那埋二堡賊村界連遷江洛春高徑大潘思盧北三向北夷獐村分今皆逃往潛住又訪得八寨賊徒我兵未進之前陸續出劫鄉村今皆不敢回巢散入賓州淶里并貴縣涼傘壘紙等夷獐村分藏躲合行分兵搜捕等因看得八寨逋賊

稔惡多年攻劫鄉村殺害人民虜掠財畜百姓怨恨痛入骨髓今惡貫滿盈民怨神怒巢穴破蕩分崩離析如失林之鳥投置之兎迷魂喪魄正可蒐獵而盡是乃上天欲亡此賊之秋若不乘此機會奉行天討以雪百姓之冤以舒人神之怒以除地方之禍存其遺孽復為他日根芽此豈為民父母之心乎及訪得平日哨守八寨官兵人等往往與賊交通者據法俱應明正典刑今日姦未終究容其殺賊報効立功自贖除各差官督剿外為此牌仰指揮程萬全督率遷江所土官指揮黃祿十戶黃瑞百戶凌顯等各起

集管下土兵人等前去北三思盧等處搜捕各賊仍
行曉諭各寨善向化村寨務將逃躲各賊盡數擒斬
以泄軍民之憤獲功解報一體給賞若是與賊通謀
容留隱蔽訪究得出國憲難逃如是各賊果有誠
心悔罪願來投撫立功報效者亦准免其一死帶來
軍門撫諭安插各官務要盡忠竭力上報國恩下
除民患副軍門之委託立自己之功名仍督平日與
賊交通之人令其向道追捕痛加懲改及此機會立
功自贖果能奮不顧身多獲真正惡賊非但免其既
往之罪抑且同受維新之賞若猶疑貳觀望意圖苟

免定行斬首示衆斷不虛言本院數日之後亦且親
臨地方躬行賞罰仰各上緊立功毋自取悔

牌行委官林應總督諭上日

五月

看得田州思恩領兵頭目盧蘇王受等所領目兵皆
係驍勇慣戰之人今又各爲身家子孫之計自願出
力保效立功贖罪既已攻破賊巢分屯其地則其搜
捕潰散之賊當如探囊取物數日可盡也已半月有
餘尚未見有成功氣勢日見萎靡此必軍中收有賊
巢婦女等項貪戀女色財物不肯割舍離奮勇殺
賊苟且偷安遂致兵氣日衰軍威不振若聞此

消息乘此解息掩襲不備我軍必致撓敗此則是
各目此舉本欲立功而反敗事亦欲贖罪而反增罪
非惟不能仰報朝廷之德且有害軍門之威
矣正名定罪後悔何及爲此牌仰原任戶部郎中今
降徐國縣縣丞林應驄齊執今旗令牌會同總兵
監軍等官公同署田州府事知州林寬身督領兵頭
目盧蘇等閱視各營但有收得賊巢婦女財物者通
行搜出俱各開紀名數別立老營一所選委老成頭
目另撥謹實小心兵夫晝夜管守各貪戀女色財
物不肯奮勇殺賊頭目兵夫姑且免其罰治責令即

出搜山果能多有擒斬旬日之內功成班師仍將前
項婦女財物照名給還亦不追究前罪若有貪戀女
賊違犯軍令仍前不肯効力者仰即遵照軍門號令
當時斬首示衆斷毋姑息容忍致敗三軍大事蓋前
日之招撫專以慈愛惻怛爲念者乃是本院憐憫兩
府之民無罪而就死地乃是父母愛子之心惟恐一
民不遂其生也至於今日用兵却湏號令嚴明有功
必賞有罪必戮者乃是本院欲安兩府之民使之立
功贖罪以定其身家而因以除去地方之患是乃帥
師行軍之道不如此不足以取勝而成功也差去旗

牌官員務要星火催督毋事姑息若旬日之後再無成功本院親臨分地定先將監軍督軍等官明正軍法其推奸避事不肯奮勇殺賊頭目通行斬首決不虛言

牌委指揮趙璇留剿餘賊

六月

牌仰指揮趙璇前去督哨副總兵張祐處查審各寨稔惡徃賊曾否勦絕各兵見往何處聞已出屯三里仰就各營十兵目夫凡有疾病老弱者俱令在營將息調理其精壯驍勇目兵仍仰本官務要三四日或五六日督令入山巡勦一畚出意外之奇以示不測

之武須候各山果無潛遁之奸各巢已無復歸之賊俟軍門牌至方許回兵仍諭土目盧蘇王受等以如此炎毒天氣如此暑雨連綿各兵久在山中辛勤勞苦本院非不惓惓憂念但一則欲為爾等立功一則欲為地方除害心雖不忍久勞爾等而勢有所不能已也爾等其務體本院之意用旬日之苦以成百年之功毋得欲速一時致貽後悔事完之日通至賓州本院親行犒賞就領牌劄仰各知悉

牌行副總兵張佑搜剿餘巢

七月

訪得上林相近地方如淶茅等村皆係陽招陰叛與

八寨諸賊裏應外合積年流毒地方即其罪惡尤有甚於八寨諸賊若不勦滅終遺禍根爲此今差指揮趙璇賁牌前去督哨副總兵張祐處計議仰即密召領兵頭目盧蘇王受等令各挑選精兵一千或一千五百以搜巡八寨爲名當日乘夜速發分道夾勦後開各賊村分務要殲除黨與蕩平巢穴若是各賊奔竄大名深山各兵就可留屯其地食其禾米六畜分兵探賊向性追捕本院先曾發有武緣鄉兵分搜大名諸山遙計此時各賊正回山下各村躲住及今往勦正合事機仰諭各目務要潛機速發不得遲留

宿必致透漏消息徒勞無功發兵進勦之後一百差人飛報

計開 綠茅 通親 綠小 批頭 羅煖 其餘各巢不能盡開須要量其罪惡大小可勦則勦可撫則撫相機而行

稿勞從征土目 八月

照得思田二府頭目盧蘇王受等率領部下兵夫自備衣糧征勦八寨徭賊渠魁殄滅群黨削平即今地方寧靖旋師 奏凱實由各目兵夫不避炎蒸奮勇効勞但進兵以來妨廢一年耕種况今青黃不接之

時部下兵夫家屬未免缺乏相應量爲賑給以慰人心爲此牌仰同知桂葵即便會同南寧府掌印官將該府軍餉糧米魚鹽內照依開數支給各頭目收領但念思恩南寧道里相去隔遠糧米搬運不便合就於武緣縣見貯軍餉米內支給與各領用以見本院體恤之心仍開給散過數目繳報查考毋得違錯

緩柔流賊 五月

據左江道參議等官汪必東等呈稱古陶白竹石馬等賊近雖誅勦然尚有流出府江諸處者誠恐日後爲患乞調歸順土官岑瓛兵一千名萬承龍英共五

百名或韋貴兵一千名住劄平南桂平衡要地方及該府知府程雲鵬等亦申量留湖兵及調武靖州狼兵防守等因始觀論議似亦區畫經久之圖徐考成功終亦支吾目前之計蓋用兵之法伐謀爲先處夷之道攻心爲上今各徭征勦之後有司即宜誠心撫恤以安其心若不服其心而徒欲久留湖兵多調狼卒憑藉兵力以威劫把持謂爲可久之計則亦未矣殊不知遠來客兵怨憤不肯爲用一也供饋之需稍不滿意求索訾詈將無抵極二也就居民間騷擾濁亂易生讐隙三也困頓日久資財耗竭適以自弊四

也欲借此以衛民而反爲民增一苦欲借此防賊而
反爲吾招一寇各官之意豈不虞各賊乘間突出故
欲振揚兵威以苟幸目前之無事抑亦不睹其害矣
前歲湖兵之調旣已大拂其情乃今復欲留之其可
行乎夫刑賞之用當而後善有所勸惡有所懲勸懲
之道明而後政得其安今稔惡各徭舉兵征勦刑旣
加於有罪矣然破敗奔竄之餘即欲招撫彼亦未必
能信必須先從其傍良善各巢加厚撫恤使爲善者
益知所勸而不肯與之相連相比則黨惡自孤而其
勢自定使良善各巢傳道引諭使各賊咸有回心向

化之機然後吾之招撫可得而行而凡綏懷御制
道可以次而舉夫夫柔遠人而撫戎狄謂之柔順撫
者豈專恃兵甲之盛威力之強而已乎古之人能以
天地萬物爲一體故能通天下之志凡舉大事必順
其情而使之因其勢而導之乘其機而動之及其時
而興之是以爲之但見其易而成之不見其難此天
下之民所以陰受其庇而莫知其功之所自也今皆
反之豈所見若是其相遠乎亦由無忠誠惻怛之心
以愛其民不肯身任地方利害爲久遠之圖凡所施
爲不本於精神心術而惟事補缺撥給支吾粉飾於

其外以苟幸吾身之無事此蓋今時之通弊也合就
通行計處仰抄案回道即行知府程雲鵬公同指揮
周胤宗及各縣知縣等官親至已破賊巢各鄰近良
善村寨以次加厚撫恤給以告示犒以魚鹽待以誠
信敷以德恩喻以朝廷所以誅勦各賊者爲其稔
惡不悛若爾等良善守分村寨我官府何嘗輕動爾
等一草一木爾等各宜益堅向善之心毋爲彼所弱
惑搖動從而爲之推選衆所信服立爲酋長以連屬
之優其禮待厚其犒賞以漸綏來調習使之日益親
附又喻以稔惡各賊彼若不改一征不已至於再再

征不已至於三至於四五至於六七必使滅絕而後
已此後官府若行勦除爾等但要安心樂業無有驚
疑若各賊果能改惡遷善實心向化今日來投今日
即待以良善即開其自新之路決不追既往之惡爾
等即可以此意傳告開喻之我官府亦未嘗有必欲
殺彼之心若彼賊果有相引來投者亦就實心撫安
招來之量給鹽米爲之經紀生業亦就爲之選立首
長使有統率毋令渙散一而清查侵占田土開立里
甲以息日後之爭禁約良民毋使乘機叢復以激其
變如農夫之植嘉禾而去其莠深耕易耨芸蓄灌溉

專心一事勤誠無惰必有秋穫夫善者益知所勸則助惡者日衰惡者益知所懲則向善者益衆此撫柔之道而非專有恃於兵甲者也至於本院近行十家牌諭誠亦弭盜安民之良法而今之有司槩以虛文抵塞莫肯實心推求舉行雖已造冊繳報而尚不知其間所屬何意所處地方該道仍要用心督責整理誠使此法一行則不待講發而處處皆兵不待屯聚而家家皆兵不待蓄養而人人皆兵無餽運之勞而糧餉足無關隘之設而守禦固習之愈久而法愈精行之彌廣而功彌大其前項區處摘調之兵有虛名

而無實用可張皇於暫時而不可施行於永久者勞逸煩簡相去遠矣惟有議該府議欲散撤雇倩機快等項調取武靖州土兵使之就近防守一節區畫頗當然以三千之衆而常在一處屯頓坐食亦未得宜必須分作六班每五百名爲一班每兩箇月日而更一次若有鷓勦等項然後通行起調然必須於城市別立營房毋使與民雜處然後可免於騷擾嫌隙蓋以十家牌門之兵而爲守土安民之本以武靖起調之兵而備追捕勦截之用此亦經權交濟相須之意合就准行仰該道仍將行糧等項再議停當備行該

州土目人等遵照奉行自今以後免其秋調各處哨
守等役專在潯州地方聽憑守備叅將調用凡遇緊
急調取即要星馳赴信地不得遲違時刻守巡各官
仍要時加戒諭撫輯毋令日久玩弛又成虛應故事
本院疎才多病精力不足不能躬親細務獨其憂患
地方欲爲建立久安長治一念真切自不能已是以
不覺其言之叨叨各官務體此意毋厭其多言而必
務爲細繹毋謂其迂遠而必再與精思務竭其忠誠
務行其切實同心協德共濟時艱通行總鎮總兵鎮
巡衙門知會仍行三司各道守巡守備等官事有

相類者悉以此意推而行之發去魚鹽或有不足再
行計處定奪

告諭村寨

近因牛腸等寨積年稔惡是以舉兵征勦爾等良善
村寨我官府自加撫恤決無侵擾各宜益堅爲善之
心共享太平之樂其間平日縱有罪犯從今但能中
心改過官府決不追論舊惡毋自疑沮或爲彼所扇
惑自取滅亡後悔無及就使已勦餘黨果能悔罪自
新官府亦待以良善一體撫恤若是長惡不悛一
勦十勦至於百勦必加殄滅斷不虛言爾等各寨爲善

爲惡日後自見各宜知悉

議立縣衛

看得八寨徒賊稔惡爲患巢穴連絡千里實爲廣西衆賊之淵藪近該本院進勦掃蕩巢穴若不及今設置軍屯衛縣據其心腹要害以阨塞各賊呼吸之咽喉斷絕各賊牽引之脈絡不過數年又將屯聚生息禍根終未翦除本院身親督調各兵看得周安堡正當八寨之中而三里堡亦當八寨之隘俱各山勢回抱堪以築立城郭移衛設縣但未經廣詢博訪詳審水土之善惡民情之逆順中間有無利害得失擬合

再行查訪爲此牌仰分巡右江道兵備副使翁素

同該道分守官即便督同同知桂整指揮孫綱等帶

領高年知識親至其地經營相度若果風氣包完水

土便利即行料理規制畧定方向各另畫圖貼說仍

要咨訪父老子弟通曉賊情習知民俗者即今移立

衛縣其於四遠賊巢是否足能控制民情有無便益

妨損務在人心樂順足爲經長永久之計然後備由

呈來以憑會奏就將築立城垣合用木石甄灰人夫

匠作料價工食等項議估停當具揭呈來以憑先行

一面委官分督辦理及時興工毋得怠慢苟且玩愒

遲延致悞事機

撫恤來降

八月

據叅將張經呈稱武靖州耕守黃璋等二十四名被
十冬總甲黃鄧護等妄捏窩賊之行釋放仍給榜諭
看得本院屢經牌仰該道該府等官將各向化良善
村寨加意撫恤懷柔以收其散亡之勢而堅其向善
之心庶使遠近知勸而惡黨自孤各官略不體承本
院勤勤懇懇之意肆志妄行輕信十冬奸民之言輒
便推求往事爲之報復舊讐沮抑歸向之望驚疑反
側之心聽其所爲必成激變後雖寸斬奸民之骨固

亦何救地方之患所據違法各官即合治以軍法姑
且記罪再行飭諭仰將見監黃璋李舉等一十四名
即行釋放仍加慰諭令其復業寧家其十冬黃鄧護
等監候本院撫臨解赴軍門發落今後仍要備細開
諭該府該縣十冬里老人等各要守法安分務以寧
靖地方爲重不得乘機挾勢侵剝新舊投撫之人脇
取財物泄憤報怨及至釀成變亂却又貽累地方勞
煩官府今後有違犯者體訪得出或被入告發決行
拿赴軍門治以軍法斷不輕恕仍將發去告示即行
刊刻給赴十冬里老人等遵照奉行具遵行過緣由

繳報

不日再續卷七

四



取根於此實難悉及至翻列變局
 龍吐才之通不事美... 對變局... 難之人...
 備結宿籍總十冬里... 人... 各... 出... 分... 行... 以... 寧...
 率... 盟... 到... 本... 部... 辦... 朝... 補... 遺... 軍... 門... 經... 於... 今... 處... 以... 要... 備... 開...
 明... 行... 擊... 效... 以... 以... 據... 備... 今... 其... 實... 業... 寧... 案... 其... 十... 冬... 貴... 復... 難...
 且... 此... 罪... 再... 行... 補... 備... 以... 新... 具... 留... 費... 難... 案... 一... 十... 四... 冬...
 亦... 何... 殊... 對... 方... 之... 感... 有... 難... 案... 法... 各... 官... 明... 合... 成... 以... 軍... 法... 成...



所
圖
書

